

बेड़ी म्हारी पार उतारो धणी रामा,  
थोड़ी सी दिराऊ अजमाल जी री आण,  
दादू रिणासी री आण,  
रिखियो री सायल सुणो धणी रामा ॥

आद जुगादि अमर थोरी आशा,  
तुर बिन तारण दीन दयाल,  
पुर बिन पाँख पंखेरू किया उड़िया,  
थे मात पिता मैं झोले बाल ॥

सतजुग पाट प्रह्लाद राजा पूरियो,  
नरसिंग रूप धरियो किरतार,  
खम्भ फाड़ हिरणाकुश मारियो,  
उटे कृष्ण कला हरि ले अवतार ॥

त्रेता जुग राजा हरिश्चंद्र सिद्धा,  
सत सिद्धा तारादे नार,  
सत रे काज वे राज तज दीनो,  
तो ही नहीं छोड़ी वे सत री लार ॥

द्वापर में राजा जोठल सिद्धा,  
सत सिद्धा ए द्रोपद नार,  
सत रे काज हिमाले जाय गलियां,

पछे आम लगायो राजा पांडु रे द्वार ॥

कलजुग में राजा बलवंत सिद्धा,  
बावन रूप धरियो किरतार,  
तीन पावन्डा धरती नापी,  
जणो उठे झूपी बनाई बलि रे द्वार ॥

समदो पार बोहितो सिंवरे,  
जहाज लाया हरि बारे ताण,  
देउ शरणे हरजी बोले जणा,  
मेहर करो धणी थे मोटा मेहमाण ॥

बेड़ी म्हारी पार उतारो धणी रामा,  
थोड़ी सी दिराऊ अजमाल जी री आण,  
दादू रिणासी री आण,  
रिखियो री सायल सुणो धणी रामा ।

गायक ओम सा पल्ली ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/bedi-mhari-paar-utaro-dhani-rama/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>